



Broj: 03-5694/23  
Đurđevik, 25.09.23

Na osnovu člana 70. stav (3) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22), Zapisnika o ocjeni ponuda od 23.08.2023. godine i člana 48. Statuta Rudnika mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

### ODLUKU

o izboru najpovoljnijeg ponuđača za javnu nabavku usluga  
*Lot 1 - Popravka i servisiranje niskonaponskih motora snage do 55 kW, zavojnica, ručnog alata, signalnih i komandnih transformatora*

Nakon provedenog Otvorenog postupka za nabavku usluga: *Lot 1 - Popravka i servisiranje niskonaponskih motora snage do 55 kW, zavojnica, ručnog alata, signalnih i komandnih transformatora* Okvirni sporazum na period 12 mjeseci se dodjeljuje ponuđaču "VIKLER - PROMET" d.o.o. Sarajevo čija je ponuda ocjenjena kao najuspješnija.

### OBRAZLOŽENJE

Po obavještenju o nabavci za javnu nabavku usluga: *Lot 1 - Popravka i servisiranje niskonaponskih motora snage do 55 kW, zavojnica, ručnog alata, signalnih i komandnih transformatora*, broj obavještenja: 350-1-2-241-3-335/23 objavljenom na Portalu javnih nabavki dana, 31.07.2023. godine evidencijski broj nabavke 03-4555/23 Tendersku dokumentaciju preuzelo je šest ponuđača, a što se vidi iz izvještaja o preuzimanju tenderske dokumentacije od strane ponuđača sa Portala javnih nabavki www.ejn.gov.ba kreiranog 22.08.2023. godine, a koji je sastavni dio ovog zapisnika.

Rok za dostavu ponuda bio je 22.08.2023. godine do 12:00 sati, a javno otvaranje ponuda je zakazano za 22.08.2023. godine u 12:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku je dostavio sljedeći ponuđač:

- 1) Ponuda sa prijemnim brojem 19-5148/23 od 22.08.2023. godine,  
Ponuđač: "VIKLER - PROMET" d.o.o. Sarajevo.

Javno otvaranje ponuda je dana 22.08.2023. godine u 12:30 sati izvršila Komisija za provođenje postupka javne nabavke imenovana Rješenjem direktora broj: 03-4556/23 od 27.07.2023. godine. Javno otvaranje ponuda izvršeno je u skladu sa članom 63. Zakona o javnim nabavkama i sačinjen je Zapisnik o otvaranju ponuda. Zapisnik sa javnog otvaranja ponuda i zapisnik o zaprimanju ponuda je dostavljen ponuđaču istog dana. Komisija je u početnoj ocjeni ponuda utvrdila da se "VIKLER - PROMET" d.o.o. Sarajevo kvalifikovao za dalji tok predmetne nabavke.

Komisija je zatim izvršila utvrđivanje prihvatljivosti ponude kvalifikovanog ponuđača, te konstatuje da je ponuda ponuđača: "VIKLER - PROMET" d.o.o. Sarajevo prihvatljiva i da potpuno udovoljava uslovima iz Tenderske dokumentacije i Obavještenja o nabavci.

Komisija je u skladu sa članom 3. stav (3) Pravilnika o uslovima i načinu korištenja e-aukcije utvrdila da se ne može zakazati e-aukcija jer je primljena jedna prihvatljiva ponuda.

Kriterij za dodjelu Ugovora je Najniža cijena.

Ponuda koja je ocijenjena kao najuspješnija je ponuda ponuđača:

1. **"VIKLER - PROMET" d.o.o. Sarajevo, ponuda broj: 30/23 od 11.08.2023. godine** sa sljedećim elementima ponude:
  - ponudena cijena: **732.722,00 KM** bez uračunatog PDV-a, odnosno 857.284,74 KM sa uračunatih 17% PDV-a na paritetu DDP krajnje odredište – RMU "Đurđevik"
  - Rok završetka usluge: 60 dana od dana zaključenja periodičnog ugovora,
  - Rok plaćanja: odloženo 60 dana od dana fakturisanja usluge bez bankovne garancije za odloženo plaćanje,
  - Garancija za izvršene usluge: 12 mjeseci od dana završetka usluge.

**Ocjena ponude je izvršena prema cjenovniku sa jediničnim cijenama, a Okvirni sporazum će se zaključiti na iznos 20.000,00 KM bez uračunatih 17% PDV-a prema Planu javnih nabavki.**

Obzirom na prednje izneseno, donesena je odluka kao u dispozitivu.

### Pravo žalbe

Ponuđač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101. Žalba se izjavljuje URŽ-u putem Ugovornog organa u pismenoj formi u roku od 10 dana od prijema Odluke o izboru najpovoljnijeg ponuđača.

PROKURISTA

DIREKTOR

Dr.sci. Admir Jahić, dipl.inž.en.teh.

Dr.sc. Husen Trumić, dipl.inž.maš.

DOSTAVLJENO:

- ponuđačima,
- arhivi.